

王次回疑雨集



大達圖書供應社刊行



王次回疑雨集

己巳

花燭詩

四月春蠶已剝綿。困人風日嫁人天。不知織就鴛鴦錦。廢卻如花幾夜眠。

無題四首

弄玉當年未嫁時。徘徊好影自矜持。幾從畫府迴嬌靨。羞向花間曳綺綦。千蝶帳深縈短夢。九雛釵重困初筵。朝回夫壻鳴騶去。下卻珠簾不肯窺。

學書不學衛夫人。度曲惟教唱柳君。鸚鵡自將新律教。鴝兒閑取練香熏。鏡中鑄就嬌顏色。帳裏驚回好夢魂。一榻茶烟清似水。金釵劃作斷腸紋。

瓊樹瑤枝分外清。雄川應是舊儀形。閣中碧玉誰人識。樓上羅敷只自名。三尺吐雲嫌髻短。五銖含霧喜身輕。從來不作多情調。羞讀關雎第四聲。

栽培豔質向瑤階。取次簾櫳不放開。裏手倩人收寶鈿。含顰揀樣畫香煤。腰肢未許同行儼。性格還從夫壻猜。阿母錯憐教不嫁。幾回偷看畫圖來。

催粧詩六首

嬌羞不肯下粧臺。侍女環將九子釵。寄語倦粧人說道。輕施朱粉學慵來。十步笙歌響碧霄。嚴粧無力夜迢迢。休將雙黛憑人試。留與張郎見後描。

王次回疑雨集

說嫁心驚盡日癡。尊前玉筍鎮雙垂。不知夫婿尤憐惜。卻勝嬌嗔阿母時。
羞向明牕結佩璫。穿衣寶鏡暗生光。生憎烏鵲來相噪。嘿嘿無言下象牀。
當初忍笑畫鴛鴦。眞箇如今擬鳳凰。別卻羣仙拜王母。已聞青鳥報劉郎。
雲作雙鸞雪作肌。天教分付與男兒。轉身拭淚銀河畔。別卻鴛鴦機再不歸。

丙辰

吳行紀事

月鐘霜瓦凍鴉啼。夢裏楓橋卻向西。暖語未終天忽曉。不堪空作醉鄉迷。
相要。不說卷衣裳。笑挽流蘇背燭光。賴有暖言堪入骨。一宵輸意伴王昌。
遶身一步也堪憐。特地呼來放膝邊。問道初寒身怕冷。今宵多半要裝綿。
燒殘絳蠟啼千筍。碎嚼冰蠶攪萬絲。水國不生紅豆子。贈卿何物助相思。
尊前一笑兩相同。燭映羞顏旖旎紅。更有銷魂人不見。斷雲零雨數聲中。
愛弄黃金佛手香。不因清轉不輕嘗。從今奪卻春鶯舌。只辦雙柑聽遠梁。
感郎珍重不能差。夜淺香濃一作春深掩畫樓。翠澀乍慵花上蝶。紅酣常溼雨中鳩。

丁巳

燈宵紀事

燈樓月沼映春雲。簫鼓風前院院聞。但是酒旗歌板地。一時淒切想離羣。

踏霧一作月天街豔步狂。微風一道一作路染衣香。遊人暗逐芳塵去。拾得兒家紫佩囊。
春空淡白照一作似銀紗。一逕幽尋避月華。記得畫橋南一作西畔去。綠楊陰下是他家。
趙李鈿車昔昔遊。酒邊燈下共遲留。如何月照金堂夜。只有梅花伴莫愁。

無題

玉壺傳點出花蕊。青鳥銜箋尙未通。砌就銀灣烏不度。築成瑤圃鶴難逢。春濃逗夢三千里。路暗迷人十二峯。蠟
照漸微香施冷。珮聲纔達畫堂東。
繞枕離懷話未窮。河梁只在此樓中。迎愁月剩三分白。隔淚燈搖一點紅。有霧不曾一作爲遮別路。隨風想得過
花叢。王昌望裏千回首。滿院簾櫳颺曉風。

戊午

入吳訪賀無因

心期如水較清深。未許湘波隔桂林。勝賞每邀雌霓句。壯情時警怒蜺吟。機邊手爪歡何似。鏡裏頭顱嘆不禁。此
夕吳裝冷烟月。橫塘清嘯一相尋。

昆季避暑分韻得清字

大地炎埃隙地清。烏衣遊集葛衣新。已隨雁序流三雅。更倚篴音奏四聲。慕寂未能蠲塵拂。凌寒何事慰棋枰。阿
連更借幽心句。一夕西堂夢草生。

有所窺春日訪無因尙在內寢侍兒囑余勿喚因留八句

花影花香攪睡情。香融繡被夾羅輕。楚雲入夢渾迷曉。蜀酒禁愁一作眠誤達晨。曲曲銀屏低拂燕。層層珠箔略

聞鶯。遊人一作狂朋竊探棲鶯去。刻向琅玕一作闌干記我曾。

賦得隔水樓高

一寸心期百尺樓。明河界作兩邊秋。移開月扇朝雲出。掩過銀屏夜月收。鬢態易迷花影亂。衣香暗接水光一作烟浮。殘陽沒後寒燈小。各自垂簾背雨愁。

睡起

睡起卽尊前。前墀霽魄圓。晚花疎更好。秋鳥靜堪憐。風露當歌落。星河向酒懸。宿醒猶未解。於此復陶然。

卽事

醉色風前減。茶香雨後添。看粧仍把卷。相對一爐烟。

王敬宏夫人

碧澗青林自掩關。調停朱粉傅雙鬢。江陵隔歲書題絕。只道貪游未得閒。爲探雛鳳過高齋。更戀新涼未卽回。底事江陵經歲去。桓元只合買舟來。

御君近得鬼歌有流水斷橋魂不渡夜深孤影月明中之句因廣其境成篇

夜永迷靈逐恨飄。漆燈閃爍隔溪橋。荒塗露下千蟲歇。絕壑風生萬木號。水澗獨來愁不渡。山阿誰在語相邀。由來地下悲秋况。還與人間共寂寥。

京口寓興次叔聞韻

三山新沐翠琉璃。喜是殘尊未涸時。出郭斜過穿苑路。傍林低度拂人枝。江聲遠和松風轉。山色遙連麥浪吹。幽徑夕陽常醉臥。往來空羨牧羊兒。酒痕衫袖尙淋漓。日壓重檐睡醒時。暮寂未能獨弈具。尋幽何必見花枝。多才筆舌臨江咏。入夢簫聲隔院吹。昨

夜城南新得句。愁中偷賦比紅兒。

半帆閣避暑

長林莽莽翠扶檐。柳下風來散午炎。綠粉清凝千箇竹。紅衣飄動萬枝蓮。雲迴樹影移茶竈。雨送林香入酒船。一曲清歌高閣迤。一作遠半帆衝斷夕陽烟。

獨酌

旅酒衝愁薄。庭梅寓賞孤。偶來清月伴。惟與博山俱。

寄周以眉逸其全首

相逢會半醉。一別竟殘春。

己未

雲間獨歸留別叔聞于青谿歸後寄之

三年無處不盤桓。客舍逢君一破顏。長共清尊無足恨。每聞佳句有餘歡。閒來步緩一作散烟郊晚。醒後談深雨榻寒。今日獨歸翻似客。杏花狼籍不曾看。

無題

幾層芳樹幾層樓。只隔歡娛一作佳期不隔愁。花外一作月裏遷延惟一作微見影。月中一作花間尋覓略聞謳。吳歌淒斷偏相入。楚夢微茫不易留。時節落花人病酒。睡魂經一作驚雨思悠悠。

瞥見詩本不工存其深恨聊堪當泣何忍長歌

別來清減轉多姿。花影長廊瞥見時。雙鬢淡烟雙袖淚。佯人剛道莫相思。

■盈盈

盈盈一翠條。的的望中嬌。祇恐風飄去。還愁日炙銷。迎來纔得近。背去又成遙。路轉齊回首。飛花一作東風咽百勞。

■詠史

不愁身短恨情長。春去空餘樹底芳。恍隔紗牕聞暗珮。欲牽重幕睹明粧。盃澆翠影神同醉。筆寫蘭儀語亦香。漢殿傾城眞浪說。生前掩面鬱金牀。殷淑儀

冠劍紛紛出石城。偏從佳客問分明。只應不避蘭成妒。歷歷鶯啼說太清。

花顏玉帶擁高城。迢遞情人到楚荆。此日清油開別榻。不知傳酒屬一作是何人。蕭韶。

■無題

倚樹臨樓臥酒壚。清狂判得費工夫。寒輕泥拔金釵飲。醉淺佯邀小玉扶。粉迹著一作染書新指暈。翠痕沾袖舊眉圖。閒來花下偏相問。昨製一作味無題事有無。

庚申

■燕

別卻天涯到畫梁。天涯幾處爲迴腸。橫塘掠水經微雨。小院拖花過夕陽。飛去定尋前歲壘。舞來猶帶隔林香。雙栖碎語重檐月。夢入關河夜正長。

辛酉

■江上

回首江雲淚幾一作一雙。酒空金盡在他鄉。窮途自合親情斷。一作薄。幽恨那堪世事忙。兩岸草花秋寂歷。一船烟月夜淒涼。不知身是孤飛鳥。猶誤題一作誤欲裁箋寄孟光。末二句戊辰年改定故云。

壬戌

贈馮元甫

濁醪傾罷奈愁何。客有馮驩慰放歌。伏驥志償一作飛騎肯辭燕市價。一作雪。困鯨羞借楚江波。更新滅竈鴻應少。集菀辭枯鳥更多。肝膽只君堪付託。爲抽心鐵一橫磨。

癸亥

贈龔君瑞

閉戶繙書有幾車。青燈深夜映牕紗。半簾蕉雨時飄硯。一砌松風靜煮茶。筆陣戰酣蠶食葉。文心磨洗鐵沉沙。今朝試向溪頭步。幾樹疎一作寒梅盡著花。

所見

油壁紅簾映日開。畫羅氈麝逆風來。明粧自是憐清沼。細步還應惜落梅。嫁早怕逢先認客。春寒愁上最高臺。尋幽賴有潘郎共。便到殘陽且莫催。

春晴

柳弱不堪扶。春愁劇鷓鴣。翠烟三月盡。紅雨一庭蕪。曉日鳩呼婦。晴風燕引雛。東隣踏青女。今日在南湖。

贈康元始歸試雲間不全

王次回疑雨集

八

碧水東風雨脚斜。暮春離客似離家。牛腰詩卷青舟載。龍腹才名白社誇。

重題

階前漫有忘憂草。帳裏空垂辟悶犀。惟有相思助吟興。一篇纔了又重題。

效元相體

梨花淡淡玉亭亭。憶得雙文縞素晶。最是鏡前歡喜處。斷紅一作口脂蛾綠越分明。

香絲一作鬢。壓枕落玫瑰。憶得雙文睡臉迴。底事沉吟又如笑。與君剛在夢中來。

贈所歡逸其一

嚼花吹葉弄綖遲。笑把花枝唱竹枝。千蝶帳深縈午夢。九雛釵重困春筵。人誇豔極偏耽靜。天遣情多莫諱癡。嫁

得書生不一作了無謂。纏頭只索一作惟有斷腸詩。

橫塘

卻持離淚下西軒。絡緯秋聲玉砌喧。行過迴塘更添恨。綠荷猶自蓋雙鴛。

贈端己時湘雲在坐

澹月簾櫳畫燭筵。燕臺佳句柳枝憐。香盤膩髮春雲溼。酒入寒肌夜玉妍。眼媚暗流燈影外。喚聲低徹枕函邊。湘

君一夕啼多少。染得金斑似竹鮮。

甲子

贈雲客

不爲郎歸不卷簾。碧莎春砌步纖纖。長裙畫帶同心結。斗帳歌聲刮骨鹽。險約最歡來意外。一作表沉憂難諱到

眉尖斜陽欲度梅梢盡。纔向紅牕拂鏡奩。一作風塵似鵲猶防外誰道猶防別自疑

贈君錫卽用其韻兼有以勉之

珍重閑情肯浪癡。一回蹤跡幾回思。目成歌席先偷笑。淚盡離衫未解攜。此日一作夕碧桃三度竊。何年瓊樹一枝移。憐君正在一作及花穠處。莫到成陰卻恨遲。

乙丑

病中柬友

憶別江皋酒半酣。病身全似再眠蠶。維摩斗室經旬掩。願接枚生一快談。

感懷雜詠

何處青林好一作可卜居。布帆空載一船書。埋文有冢慙吞鳳。避債無臺敢食魚。貧骨豈容仙藥換。牢愁難借妙言除。臨邛四壁今如此。誰更同時識子虛。

旅夢初回百恨新。寸腸焚絕淚成冰。窮途易感如楊子。舊里難歸似柏人。駿價有誰沽死骨。鯨波無分活枯鱗。多愁脾肉空如削。躍馬何曾及病身。

梯攻百道是愁心。痛飲排愁肺病侵。無計散懷惟慟哭。難持孤憤寄登臨。雪封客舍炊烟斷。風度僧寮藥氣深。世味如茶嘗欲遍。剩餘殘骨付亦作一哀吟。

病骨嶮巖又見春。石憂叢集未亡身。朋歡散盡清言絕。家信來疎惡夢頻。永夜獨醒如露鶴。他年相弔只秋蠅。蒲團欲覓消除法。心似驚波恨一作淚轉新。

強歡

悲來填臆強爲歡。不覺花前有淚彈。閱世已知寒暖變。逢人真覺笑啼難。詩堪當哭狂何惜。酒果排愁病也拚。無限傷心倚棠樹。東南枝下獨盤桓。

□ 衢州見橘樹纍纍

笑覺長蛾熨齒酸。酒闌常記手摻摻。車邊碧樹垂朱顙。誰爲天涯寄合歡。

□ 自悼

一片愁聲四壁蟲。勞勞魚目五更鐘。自知荀粲年華促。已分崔郊智晝窮。靈藥幾時分月姊。綈袍端欲借天公。空堂泣下無人會。羞向琵琶問吉凶。

□ 日日有雨時在漳南道中

望見鄉山一抹青。霎時風雨暗前汀。天公也似人哀怨。每到斜陽一淚零。

□ 死別

三年珍重感憐才。此別應須到夜臺。中路相拋悲復媿。幾時還望墓田來。

□ 客思

月照林鳥露入船。也知鴛閣未成眠。閑牕燭剩猶鍼綫。小榻香消尙管絃。歌罷定應悲悄悄。夢來須認路綿綿。迴腸九曲何須一作那堪道。此夕腸迴幾萬千。

□ 山行慰肩輿者

峻嶒石路憫輿徒。猶喜羸形似鶴羶。祇恨一作只是載將愁萬斛。無由一作緣輕卸卻何如。

□ 對花雜慟

瓊香一片委輕埃。猶憶春時傍砌開。腸斷江南陳叔寶。麗華身後恰歸來。

一度聽歌幾日哀。滿前花事眠慵擡。紅梨不識傷心客。猶倚東風送笑來。
分付庭花莫再開。卷簾無復玉人來。花神若也相哀念。爲結連枝向墓臺。

歸途自嘆

畫屏人去錦鱗稀。愁見啼紅染客衣。縱使到家仍是客。迢迢鄉路爲誰歸。

鰥緒三十二韻

映月焚檠燭。凝寒瑟瑟凋。殘春添藥碗。獨夜減香篝。背立偷彈淚。低眠嬾卸頭。臨風看蝶戲。聽雨替花憂。臉薄三
危醉。蛾彎兩筆愁。疑來聞掣鎖。夢好破鳴鉤。玉筍辭征騎。金錢卜去舟。悔多翻自笑。怨極不能羞。泣盡重衫溼。悲來
獨繭抽。涼簫拋月簾。薄袖倚霜樓。悵望湔裙約。丁寧拾翠儔。長烟迷別浦。短照隔橫溝。肺渴那堪療。腸枯莫可搜。悽
聲傳鐵撥。歡字隱金甌。遠眺心如結。卑棲命不猶。宜男那有驗。繡佛本無求。院靜鐘難曉。宮深扇易秋。驚皇開遠字。
辛苦覓良郵。駭浪終危燕。愁霖實誤鳩。忍看雲髻樣。空憶月眉修。冷楊懸紅勝。虛房掩碧油。豔蹤花逕竊。香跡薛庭
幽。自此悲陳事。從今惋獨遊。猶疑屏後語。真悔鏡前謀。星月明相照。風波暗未休。路迢心膽嫩。書杳怨猜稠。解珮憐
江芷。貽環識石榴。湖橋尋畫舫。苑陌盼香鞦。遍踏蘼蕪逕。迴穿杜若洲。寄花含曉露。題葉信春流。鮒一作夜壑鰥鱗
滯鷺一作晴。溪比翼逾支。幾和淚贈珍。重避牽牛。

丙寅

寄懷敬仲秣陵并促歸騎

春光漂蕩別離天。心似游絲百尺牽。見說人歸歸雁後。那堪淚落落花前。南都翠黛宜爲史。北里紅牋定幾篇。爭
似碧牕銀燭夜。月痕依約話蟬聯。一作纏綿

王次同疑雨集

一二

金堂不似桂堂深。十二軒牕黛一作靚色臨。燕遶杏梁淹宿雨。蝶穿花樹澹朝陰。檀槽急語他年恨。蠟燭嬌啼此夜心。寄語遊韉歸及早。東風催綠漸成林。

和于氏諸子秋詞

小屏低榻浣衣家。幾度論心掩碧紗。此日踏歌門外過。牆頭認得刺桐華。
會將玉蕊餉粧臺。低枕親聞暗麝來。爭一作可奈莫秋花事斷。閒牕驚喜蠟梅開。
喜到一作入眉端一作痕。盛更灣。天然娟媚不須刪。笑供沉水和歡道。情煖長須似博山。
月澹一作淨。花寒曉鏡前。初涼天氣嬾孤眠。秋姿較比春姿豔。試看霜楓似杜鵑。
底事秋天易得明。曉風簾外似人行。今宵月好須重晤。草草一作一昔猶多未訴情。
關心日影轉前墀。又到蕭郎過院時。重向鏡中看一遍。髻花刪卻半嬌枝。
每到尊前百恨攢。意中人似畫中看。親斟一盞休辭滿。照見如花素一作髻影寒。
涼月微星自抱衾。羅鞋點露曲廊深。丁寧蠟燭休垂淚。爲照尋郎一寸心。
鍼線秋燈淡翠蛾。同心花漾費描摹。明宵相贈今宵辦。莫誤歡期夕渡河。
花鳥欽頭一作抗細風。水晶蝴蝶玉蓮蓬。偏憐宛頸偎人處。兩點柔藍映退紅。
生成羞怯性難除。卻笑逡塗便攬祛。別有關心人不覺。好風偏爲拂羅裾。
卻要因循簾未鋪。鸚哥傳道畫堂呼。風光瞥去銷魂在。贏得驚心也勝無。
香奩集卻要因循添逸興。不知卻要爲何語想亦

助詞耳

奉墜征衫淚一雙。索居從此閉瑤牕。還愁夢裏尋郎去。烟月淒迷隔暮江。
殘陽歸去若爲情。將息臨岐有一聲。想到碧牕攜手地。一作處月痕長見淚痕生。

半裏紅巾淚語低。別離情味莫淒淒。鴛鴦守定雙飛願。一任驚波浪影齊。
折與梅花插帽檐。清霜寒沁玉尖尖。尋常只伴燼爐坐。今日迎歡乍一作一出簾。
缺一作涼月橫。牕燭未一作半銷。臥聞清露滴寒蕉。悠揚別夢飄何處。一作所誰托愁魂爲一招。

風縐迴塘乍雪消。謝娘牕戶隔紅蕉。殷勤更託一作覓西隣女爲一作試約湔裙試一作爲一招。

所思迢遞隔三湘。爲繡長幡供法王。但是有情皆滿願。妙蓮花說不荒唐。

笑將裙帶縛篋篋。更卸金釵當酒籌。此夜嫦娥最相羨。月輪斜照合歡稠。

半睡花冠倦未除。枕稜釵溜點羅祛。玉一作蕭郎何處潛來到。笑倩迴燈整翠裾。

綠珠歌筵截秋雲。月皎霜高乍破一作引唇。吹動客腸幽怨事。欲憑風寄桂堂人。

白描紈扇夾湘筠。鬢影斜籠一作低遮淺露唇。非是見君多掩斂。不禁羞恹爲旁人。

手把瓊釵叩綠筠。一聲淒一作哀調激芳唇。蕭郎半月無歸耗。便似迴文織恨人。

處處風波逐枕衾。相看今又到秋深。千闌百就多一作俱辛苦。只願君心似妾心。

憶著

憶著垂鬟覆額時。此生難負謝芳姿。半宵歡淚零殘燭。十載離腸攪亂絲。相望莫辭千里隔。行蹤惟許月明知。從今注定鴛鴦牒。一炷盟香一首詩。

雜記

斂笑防疑意緒諧。背人佯不隱紅鞋。分明簇蝶低鬟畔。認得花紋細股釵。
病楊香銷半掩關。別離耽誤一秋閑。近來本是梳頭少。約髻紅絲宛未殷。
燈邊調笑酒邊噴。寒透羅衫十月春。愛問插花時世樣。闔眉鬆一作聚髻似何人。

弄藥爭花語笑稠。忽然幽事到心頭。眉尖怕被同袍覺。強作無愁倍是愁。

青鳥閑將病耗傳。惹伊愁絕轉生憐。一作堪憐。一作慮還添。今朝教向當牕見。一作中庭見。已試梳頭曉鏡前。一作暫出簾

牕陰遠遍卻空還。烟樹紅屏不啓關。一作會得檀郎生性否。暮鐘時候怕身閑。暫見花間滴淚頻。斷腸滋味一

番新。匆匆風影驚分處。尙自回頭囑付人。

窄闌逢處不擡頭。臉暈猶呈一作含滅燭羞。一作卻憶未成歡愛日。一番相見一迴眸。

別緒

忍淚尊前不敢彈。隔屏斜立見眉端。長途願作雲隨夢。單枕難憑玉辟寒。自信功名關妾分。儘留顏色待君歡。歸來會有紅腮夜。免把離容再四看。

愁遣

雁叫蛩吟斷續聞。餘醒解盡未宵分。羅衾寬甚渾無煖。枉殺香篝夕夕薰。本爲無聊借酒澆。酒邊情味更無聊。不知悵望緣何事。但覺歡情日漸消。一作旋旋消。午夢迷離帶宿醒。寸腸愁事獨惺惺。排愁剩有聽歌處。到得聽歌又淚零。進酒難如斷酒難。幾番溫卻又重寒。平生多少尊前恨。未到潘年鬢已皤。眼前璧月照瓊枝。剪斷牢愁進一卮。記得風流江左主。破家時節酷裁詩。

寒惊

殘日東風雪半庭。薄寒輕醉幾時醒。連宵燭下閒裁勝。何處花前遇踏青。染袖不拚香漫滅。移燈長憶影娉婷。愁心只有吳歛覺。更向玲瓏仔細聽。歲晏無聊別緒盈。一枝梅萼寄卿卿。浣紗衫袖年年溼。碧玉梳奩事事清。態調幾曾因病減。鮮妍多是稱情生。自

憐身世淒涼足。單占名花第一名。

詠舊

玉杵擎將蜀道行。不辭辛苦爲雲英。當年只覺成都近。未稱瓊漿一飲情。

櫟園姨翁坐上預聽名歌并觀二劍卽事呈詠

風流領袖詞壇伯。早歲傾家耽結客。肝膽男兒四海空。卻隨長黛操歌拍。烈士從來定賞音。周郎顧曲阮郎琴。誰知唐勒牢騷況。剩托一作對清謳寫壯心。蕭疎襟寄嫌華屋。別向林塘選幽樂。摩詰軒牕儼畫圖。一作臺端足雨烟。安昌簾幕傳絲竹。練色知聲第一流。檀痕親指教伊州。呼來絳樹皆瓊樹。倚遍笙樓卽鏡樓。臨川麗曲才人賦。慧業情鍾兼妙悟。妖唱能傳作者心。圓喉脆節如絲度。隻字悠揚刻漏移。四筵傾耳盡支頤。紅塵卷霧雙鸞出。繡一作翠帶迎一作從風一燕吹。歌酣一作餘酒熱來孤憤。畫鼓淵淵金石韻。奮袂低昂雪腕催。滿堂掩泣燈生暈。濁酒何人識信陵。感時悲一作傷事緒填膺。飲醇長一作爲歡下夜非荒晏。映柱一作燭下塵淦六尺冰。丈夫意概矜然諾。不惜如花換干莫。自是荆卿俠氣深。非關石尉歡情薄。座隅有客百愁盈。更倚雲和囀一聲。試問清狂能酷似。也應知是謝家甥。

題徐雲閑故姬遺照

未許一作休把丹青婉玉。一作素顏。天然標格小梅邊。由來絕色多難老。爲要情人一作贏得遺容盡可憐。藥房展玩水沉熏。想得眞眞夜靜聞。不負芳盟同一作如皎日。願隨幽夢逐閑雲。

丁卯

客中寄敬仲卽用端已驪歌韻

何處游踪好寄音。感君垂問敢沉吟。幾時一放山陰棹。空谷跼聲快不禁。
卜築幽巖怕俗侵。尙通朋好不求深。孤悰只與君知道。爲戒妻孥莫浪尋。

丁卯首春余辭家薄遊。端已首唱驪歌。情詞淒宕。征途吟諷。依韻和之。并寄呈敬仲以志同嘆。

爲常
幾夜猖狂別恨侵。踏歌相送最情深。明朝獨醉黃茆店。更有何人把燭尋。
余與端已敬仲每經日不面。夜必把燭相就。率以

知君心賞寄燈樓。趁月追尋到曉籌。應恨狂朋一作惆悵孤踪。漂泊去。明朝誰問一作不能同看。拾斂遊。余以人日出門。
端已欲留余至燈後。竟以他迫不果。一首句一作年年心事在燈樓。

感君同病更知音。許把閑情次第吟。別去向誰吟一字。縱無離恨也一作釀成春症最難禁。端已詩云。夙昔情歡爲賞音。
敬仲云。相邀漫許作知音。余三人交誼可知矣。

翹首南雲一作東風。一雁翔。婉無書問到池隍。鄉園事事驅一作催。人出。只有朋歡係客腸。
薄倖江南杜牧之。花前落魄醉難支。阻風中酒誰相伴。賴有韋莊一卷詩。端已詩冊在。余行篋中。韋莊亦字端已。故云見說。
江湖不歸事。回風中酒過年年。杜牧之詩也。却愛紫微情調逸。阻風中酒過年年。韋端已詩也。實余目前真景。

用前韻吟寄所思末一章代爲答

纔說休悲淚已侵。煖言相慰恨還深。只消一刻含愁態。值得蕭郎到死尋。後二句一作休譏笑。眼生花處片刻愁容也。醉心。
此生不負會真樓。須占看花第一籌。只是一作得。眼前難一作拚。暫割一作去也。一作可知。非是薄情遊。爲感臨。
歧囑咐音。客中從此戒愁吟。離悰已一作先是難支一作淘遣。更戒愁吟愈不禁。

東遊無路且南翔。時河梁骨涸。擲下空胎繫淺隍。曾共幾宵秋水泛。一逢佳月一迴腸。憑將書問答微之。瘦減容光。
我自支衣上燭痕。猶未澆。是儂踪跡是郎詩。